

四庫全書

集部

欽定四庫全書考證

集部

卷八
十一

纂修官候補司業臣王太岳

臣曹錫寶

謄錄拔貢生臣劉衡詔

欽定四庫全書考證

卷八十一

集部

北海集

鴻慶居士集

松菴集

歐陽修撰集

蘆川歸來集

五峯集

大隱居士集

浮山集

北山集

橫浦集

湖山集

香溪集

鄭忠肅奏議遺集

雲莊集

大倉梯米集

海陵集

晦菴集

晦菴續集

晦菴別集

方舟集

東萊集

東萊別集

北海集

宋蔡崇禮撰

卷一

故丞相高平范公挽歌辭其一
小車何處產前席起公卿
原本車訛年据漢書田千秋傳改

題天台山石橋菴院首句林麓陰森徑屈盤五句霧暗雲蒸山氣肅八句試出神光變現看
按天台勝紀載此詩作題石梁瀑布屈盤作曲盤霧暗作霜暗變現作徧現俱與此異

卷二

宣奉大夫提舉亳州明道宮朱勝非可除觀文殿學士
充江西荆湖南北路宣撫使制 按朱勝非本傳高
宗復辟授勝非觀文殿學士知洪州尋除江西安撫
使兼知江州此云荆湖南北路宣撫使與傳文互異
觀制詞中馴暴虎而卒無所傷扶神罷而終能返正
是舉苗劉作亂高宗還宮時事勝非遷官自當以此
制為據

卷五

資政殿學士朝請大夫權知三省樞密院事滕康可落

職提舉亳州明道宮資政殿學士朝散大夫權同知
三省樞密院事劉珏可落職提舉江州太平觀制
按滕康本傳康與劉珏從隆祐太后如江西金人絕
江而渡御史張延壽劾之康責授秘書少監後乃復
朝請大夫提舉明道宮觀此制詞似未嘗為秘書少
監而提舉明道宮即責降時事與傳文小異

卷六

除劉光世淮南東路宣撫使制 原本脫南字制詞中
宣撫誤作安撫並据宋史本傳及後光世授寧武寧

國軍節度使詞增改

除吳玠特授檢校少師奉寧保靜軍節度使制 按宋

史吳玠傳玠復鳳秦隴三州錄功拜檢校少師奉寧
保定軍節度使考地理志保定軍未建節度宣和時
已廢為縣惟肅州保靜軍紹興初猶存其地則玠授
節度使自是保靜非保定矣此可以證史傳之訛

卷七

除韓世忠特授太尉依前武城感德軍節度使神武左
軍都統制福建江西荆湖南北路宣撫副使加食邑

食實封制 原本脫副字與制詞不合考宋史世忠傳作副使職官志宣撫副使條下載福建韓世忠有此授今据增

除朱勝非特授依前左宣奉大夫守尚書右僕射制原本右訛左考宋史勝非傳先後俱為右僕射制詞中還升於右揆亦與傳合今据改

除潘正夫特授檢校少保制蚤承寧德之歡晚託昭慈之愛原本慈訛茲按哲宗孟皇后諡昭慈聖獻今据改

觀文殿學士可除宣武軍節度使制 按此制原本失
載人名考宋史朱勝非傳曾以觀文殿學士除宣武
軍節度使此制疑即為朱勝非作

卷八

賜川陝宣撫使司張浚詔 原本不載人名考宋史張
浚傳為川陝宣撫使吳玠最為浚所知觀詔中屢述
玠事則此詔為賜浚無疑今据增入

卷十

賜新除資政殿大學士知温州范宗尹辭免恩命乞依

舊宮祠不允詔 按宋史范宗尹傳以沈與求奏劾其罪狀落職未幾命知溫州不載除資政殿大學士此詔可補史傳之闕

卷十一

賜檢校少保吳玠詔增賁元戎陞華亞保 按宋史吳玠傳玠先以饒風嶺之戰進檢校少保後再錄仙人關功為川陝宣撫副使据此詔書則是玠從宣撫川陝之日方除少保傳文必有先後錯誤之處

卷十二

金史紀事本末卷八十一
賜戶部尚書兼侍讀黃叔敖乞除一在外宮觀差遣不
允詔 原本戶訛吏按詔詞遂長地官云云則是戶
部非吏部也今据改

卷十四

賜新除端明殿學士左朝奉郎充江南東路安撫大使
兼知建康府充壽春府滁濠和州無為軍宣撫使李
光辭免恩命不允詔 案江南東路宋史作江東路
滁濠和州宋史作滁濠廬和與此小異

卷十六

賜知隨州李道獎諭勅書

六月二十四日

按勅書原注止載

日月而不繫年號以宋史考之則皆建炎元年以後所降

卷十九

昭慈獻烈皇后改諡祝文敢昭告於僖祖立道肇基積德起功憲文睿武至孝皇帝案宋僖祖諡號史但稱文獻此祝文載十六字後又載十四字或係後來刪節此仍原文

溫州景靈宮奉安昭慈聖獻皇后祝文太宗至仁應道

神功聖德文武睿烈大明廣孝皇帝按宋太宗諡號
史但稱神功聖德文武與此祝文不合 又真宗膺
符稽古成功讓德文明武定章聖元孝皇帝按真宗
諡號膺符宋史作應符成功宋史作神功此仍原文

又英宗體乾膺厯隆功聖德憲文肅武睿神宣孝
皇帝按英宗諡號體乾下原本衍一道字宣孝原本
誤作宗孝今俱据宋史刪改 又神宗體元法古立
憲帝德王功英文烈武欽仁聖孝皇帝皇伯括宗顯
天斷道世德揚欽文睿武齊聖昭孝皇帝按神宗諡

號宋史作紹天法古運德建功英文烈武欽仁聖孝
此惟下八字相符哲宗諡號宋史作憲元體道顯德
定功欽文睿武齊聖昭孝此亦下八字相符未詳何
時更定識之以備參考

卷二十一

論漢陳平降漢事大王所賜金具在請封送官 原本
請訛諸据漢書改

卷二十四

謝降官表伏奉告命以臣前任吏部侍郎日緣同部侍

郎孟庾于臣私取案牘事特降授宣教郎 按崇禮
降官在任禮部之後史傳闕載今集中有降官復官
二謝表可備參考

卷二十五

代李邴辭免尚書左丞表 考李邴傳作右丞按後謝
表云左綱之任旁求乃先庸妄則是左丞非右丞也
此可以證傳文之訛

卷二十九

代宰執謝賜喜雪御筵奏狀伏飲君恩遂歌九行之節

下詢里俗更觀三白之祥 原本歌訛軟考穆天子
傳雨雪凍人天子歌九行之詩奏狀蓋用此也今据
改

卷三十

上尚書李左丞啟注邴字漢老 原本字訛子老訛考

据李邴傳改

卷三十四

鄭公行狀太學官周種乞以王安石配享廟廷 按周

種宋史作周種

卷三十五

王公墓誌銘後徙為濟南歷城人 原本歷訛禹與題
不合考宋史王衣傳作歷城人今据改

卷三十七

進歷代兵籌類要表謹採擇兵法配以往事參較得失
與夫前王所以將將之術列之于篇凡十萬言分百
餘門號曰兵籌類要 按表中云凡十萬言分百餘
門今永樂大典所載不及其半或後人有所刪汰故
其數不符

廉正篇昔趙衰以壺飡從徑餒而弗食 原本趙衰訛

趙襄子据左傳改

至公篇李典不以私憾怨張遼 原本典訛曲据三國

志改

卷三十八

志氣篇杜預曰德不可以企及立功立名可庶幾也

原本企及訛同久据晉書改

諸葛亮既拔冀城顏色愀然有吞魏之志 原本城訛

成据三國志改

卷四十

誠感篇安重榮立一箭百步而射之曰石公為天子則

中一發輒中 原本重訛童据五代史改

卷四十二

知將篇周侯交不擇人而推心過差 原本交訛各据

陳書改

卷四十三

君命篇高崇文選兵五千常若寇至 原本兵訛子据

新唐書改

卷四十四

禮貌將臣篇劉鄩歸太祖太祖以為有李英公之風授
都押衙太祖牙下諸將皆四鎮舊人鄩一旦居衆人
之右 原本四訛曰考五代史劉鄩傳太祖領四鎮
將吏皆功臣舊人今据改

內御篇太祖征張魯下教與護軍薛悌書 原本張魯
訛與据三國志改

附錄上

降授宣教郎制朕體無私于天地行罰不阿于近臣考

大法於春秋責人常備於賢者 按崇禮謝降官表
有經垂責備之文句正對制詞中春秋責備賢者而
言知其非自譽也

翰林學士進兼侍讀制 按翰林學士及後篇寶文閣
學士原本俱誤作中書舍人考崇禮傳由翰林學士
兼侍讀以寶文閣學士知紹興府制詞甚明題中偶
誤今並据本傳改

附錄下

宋史列傳欲乞訪求故臣之家文獻事跡參照案事宋

史傳誤作專今從永樂大典 又嘗進唐太宗錄刺
史姓名于屏風故事曰連千里之封得一良守則千
里之民安原本封訛村今据宋史本傳改

鴻慶居士集

宋孫觀撰

卷一

疎山寺次白文林韻

原本脫次字据宋詩鈔增

卷三

南山寺夢覺灘聲喧客枕

原本灘喧二字互倒今改

卷四

洞庭善慶堂置酒布穀休催種提壺且勸酤

原本勸

酤訛歡歌据宋詩鈔改

卷七

張大資夫人輓詞早歲乘龍見伯鸞賜衣霞爛出齋壇

原本壇訛宮今改

卷十

上皇帝書漢昭帝覽燕國之詔書而獨得上官桀之詐

原本昭訛商据漢書改

卷十三

回無為知軍張徽猷啓包茅不入 原本茅訛容据左

傳改

卷十四

回趙解元啓餐秋菊以療饑紉秋蘭而為佩
原本餐
訛如据楚辭改

卷三十六

宋故觀文殿大學士万俟公墓誌銘蠟言梔貌堯舜之
徒
原本貌訛而据柳河東集改

--	--	--	--	--	--	--	--	--

崧菴集

宋李處權撰

卷一

題東坡枯木玉堂揮翰手不數乘與襲 原本乘訛來
据漢書改

贈術士要知安分者魯叟正波波 原本波波訛坡坡
按岑參詩風塵奈汝何終日獨波波今据改

卷二

次韻陳叔易其一草碧波復綠南浦愁送君 原本綠
訛深据江淹別賦改

卷三

陪曾宏父登冷泉亭望飛來峯神剎天畫不可狀仰視
孤高摩斗魁 原本剎利據延平志神剎天劃語
改

夢江房文交梨火棗開心田木鑽石盤今已穿 原本
鑽訛鐘据真誥中傳先生木鑽穿石事改

文度以大笏見遺竒偉特甚南越巨象何壯哉牙齒脫
落歲幾枚削木混真易以埋玩視常恐生怒猜 原
本埋訛理据異物志改

卷四

同二三子步溪上鶯喧桑已椹燕乳麥初芒 原本乳
訛亂今改

卷五

觀潮其二豈計雙鳧兼乘雁誰分去馬與來牛 原本
鳧訛鳥据揚雄解嘲改

卷六

陪德久出郊公歸問訊菴中老隻履西來意淺深 原
本隻訛佳据達摩隻履西歸事改

題錢德載雙清堂醉枕泉香分石脈吟窗樹老出雲根

原本分訛兮今改

歐陽修撰集

宋歐陽澈撰

卷二

上皇帝第二書昔毛遂以三寸之舌強于百萬之師

刊本于訛為据史記改

卷三

上皇帝第三書肅清邊境則有王韶鍾傅舒亶种諤輩

刊本韶訛詔据宋史改

蘆川歸來集

宋張元幹撰

卷二

夜宿宗公丈室林表登層閣秋聲隱暮鐘
鷗歸苦竹寺
雨閣亂雲峯
按隱宋詩鈔作聽歸宋詩鈔作鳴與
此不同

次韻晁伯南飲董彥達官舍心遠堂
爐薰飄月影蜜炬
剪衣香
原本蜜訛密案西京雜記閩越王獻高帝
蜜燭二百枚詩意蓋本此今据改

喜錢申伯病起其二花飛傷宿雨山潤照清晨
原本

潤作澗今從別本改

卷三

訪親于連江因過筠溪茅茨漏久蝸涎篆籬落歌多蛛
網圍 原本脫篆字蛛訛結並据宋詩鈔增改

卷五

蘭陵王相思除是向醉裏暫忘却 一本作相思前事
除夢魂裏暫忘却與本調不合詞律曾辨之

石州慢雨急雲飛驚散暮鴉微弄涼月 按驚散暮鴉
二句六十家詞作瞥然驚散暮天涼月與本調不合

八聲甘州共一樽明月顧影為誰 原本共一樽明月

作共此一樽月與調不諧今從六十家詞改

其二更潮頭千丈江海兩崔嵬 按更潮頭六十家詞

作東湖頭誤

卷六

如夢令乞巧夜樓空月妬回廊私語 原本夜訛度据

六十家詞改

怨王孫小砑魚牋信 原本砑訛訝六十家詞作研案

清異錄姚顗子姪善造五色箋文縷奇細號砑光小

本訝與研俱為研字之訛今改

卷七

樓上曲樓外夕陽明遠水樓中人倚東風裏 按樓外

詞律作樓上誤

千秋歲星兩兩泰階已應昇平象 原本脫已應二字

据六十家詞增

夜遊宮擁紅爐酒窗間惟稷雪 按稷雪一本作霰雪

誤考說文霰稷雪也後人誤改作霰

踏莎行芳薄東風天斜飛絮 按天斜一本作顛斜誤

考天斜見白居易詩後人誤作顛

卷九

亦樂居士文集序又得山谷槩枯詩律於是少陵句法
大振 按枯別本作括考荀子构木必待槩枯烝矯
然後直淮南子其曲中規槩枯之力字俱從木宜以
永樂大典本為正

福州連江縣潘渡石橋記侯思慮精密善揣摩用鈎距
畧不舛付胥徒 原本距訛鉅据漢書改

跋東坡帖往在東都見王丈樂道出示汝陰所藏歐

陽文忠公雜書盈軸多用片紙問事于宋景文諸公
不以前輩自居而恥于下問此其為儒宗也 案宋
史宋祁齒爵俱先于歐陽修故修上新唐書以祁為
先進且于唐書功多各著其名以自異元幹此跋以
修為祁之前輩殊誤

卷十

晉安黃夫人墓誌銘治家斬斬有條理 原本斬訛漸
据昌黎曹成王碑改

卷十一

茶榜大目溪邊誰論去來之相小華峯下聿新園統之
儀原本目訛因案一統志侯官縣大穆溪一名大
目溪今据改

五峯集

宋胡宏撰

卷一

紫蓋峯呈伯氏兼東彥達先生

刊本脫兼東二字据

別本增

碧泉九日當時被襖千華好

刊本被訛夜今改

卷二

上光堯皇帝書至誠而不動者未之有也刊本未之有
也訛有矣二字今改 又必欲足食足兵刊本足俱
訛廷今改

與曾吉甫書佛氏實見道體差了迹轍 刊本闕體差

了三字据下文補

卷三

彪君墓誌銘謹按彪氏出於楚鬬穀於菟實令尹子文

刊本於訛發實訛實今改

題大學不負爾曾叔祖敦厚本宗之志 刊本負曾二

字互訛据上文改

論史周亞夫先不肯救梁 刊本救訛故据漢書改

卷四

詩始周南條覲地伐漸不可耐 原本缺覲字耐訛奈

並据隋書補改

卷五

賁六三注趙遷之殺李牧 刊本牧訛為据史記改

大隱居士集

宋鄧深撰

卷上

溯峽詩長年槌鼓轉船頭川後回風送旂尾
原本槌訛鎚今改

卷下

陪吳正字賞花詩曲徑幽亭留客地微雲淡日養花天
原本徑訛經今改

次韻答克脩野約低橫盈尺水竹籬深護數家茅
原本約訛約今改

浮山集

宋仲并撰

卷二

祝子權見寄三徑定回俗士駕百年今見故人心原

本徑訛遠今改

鄭倅德興平江官滿有詩見寄就使淵明頻日醉能爭

伯玉幾年非原本玉訛魚今改

卷五

蘄州到任謝表按是篇即周必大原序所稱以古文就
今體自成一家者又少習徒在固自鄙其雕蟲壯

志無成或共憐于畫虎原本蟲訛蠱畫訛盡今俱改
代郡守到任謝表整七萃而省方勵百僚而圖治 原
本萃訛瘁按七萃見穆天子傳今据改

卷六

代辭免轉官表千載一遇身獲附于風雲萬歲三呼心
益傾於葵藿 原本葵訛蔡今改

卷七

賀新知平江府李侍郎啟頃承謦欬之餘猥接茵馮之
末 原本茵訛茵按史記周陽由傳汲黯與由同車

未嘗敢均茵伏漢書作茵馮霍光傳作綈馮師古註
綈亦茵馮謂所馮者也今据改

卷八

上宰執啟明堂登杞梓之材樗散何用清廟薦珪璋之
器珉賤奚宜 原本珉賤訛珉賊据禮記改

上湖州王侍郎啟蠶則績而蟹有筐幸初偶爾木欲靜
而風不止禍則隨之 原本筐訛箱据禮記改

與晁師啟無以慰蜀父老之心何敢言楚令尹之政
原本老訛母据漢書改

問訊左史兼中書舍人啟常楊遠避其詞鋒班馬寧誇
于史筆 原本常作長然與下句班馬不對按舊唐
書楊炎傳炎與常袞並掌綸誥開元以來言詔制之
美者時稱常楊焉今据改

卷九

代湖倅謝宰執啟白蘋繞郭華屋填城 原本郭訛廊
今改

北山集 宋鄭剛中撰

卷一

除權尚書禮部侍郎轉通直郎疏龜勉周章寸長不效
刊本章訛皇今改

卷四

代人求知書擁腫凡下豈在佳士之目 刊本腫訛踵
据莊子改

上王舍人啟但慮類申申急欲綬若若 刊本綬訛綬
据漢書改

卷五

記旱蝸角有觸蠻之國 刊本觸訛綿据莊子改

卷七

代族兄宗魯作母侯夫人行狀 刊本脫宗字据下文
增

卷九

答潘義榮書此亦一日必葺之意也 刊本必訛非据
左傳改

卷十二

胡德輝出守桐廬取令狐楚移石幾回敲廢印開箱何處送新圖之句字分為韻 刊本令狐楚訛作劉禹錫据全唐詩改

卷十三

西征道里記金明池 刊本金訛今据河南通志改

卷十七

朝旨策恭惟治朝講信修睦 刊本複衍朝字今刪

卷二十

答何憲掄仲書張敞嘗謂朱邑曰伊尹呂望其人不因

閣下而進矣 刊本張敞朱邑四字互訛又伊尹呂
望訛作皋夔稷契並据漢書改

卷二十一

客惠賓州竹簟卷送風漪光八尺 刊本尺訛赤据昌
黎集改

橫浦集

宋張九成撰

卷九

召誥論日東則景夕多風日西則景朝多陰
刊本夕朝二字互訛据周禮改

卷十二

狀元策背檐而立委大夫以國政
刊本大夫訛夫人据國語改

湖山集 宋吳芾撰

卷二

江行阻風三日不能休雲容更千變 原本容訛谷今
改

和許守巖桂一枝欲斜插誤落秋山中 原本斜訛針
今改

卷八

和朱世同韻其二臘殘惟願呈三白春去從教落萬紅
原本惟訛推今改

--	--	--	--	--	--	--	--	--

香溪集 宋范浚撰

卷一

姑蘇臺賦種有七術越行其三 刊本七訛力三訛一
据史記改

卷五

正服箴齊官十筭視古已縟 刊本十訛于据後漢書
改

--	--	--	--	--	--	--	--	--

鄭忠肅奏議遺集

宋鄭興裔撰

卷下

瓊花辨持贈昔聞將白雪蕊珠今上玉華春
案今上全
唐詩作宮裏

雲莊集

宋劉燾撰

卷四

建寧府廣惠倉記鄧山鄧水之念油然而動於中原
本鄭訛郡鄧訛勤据後漢書郡國志改

卷七

諭州縣官僚士之不廉猶女之不潔 原本脫士字今
增

卷九

答史彌遠詔周旋羽翼獨高園綺之功 原本園綺訛

灌園据史記改

卷十二

淮東湖南江西三路賊盜脇從人等並從原貸詔有若
李全陳炯之徒 原本全訛金据宋史改

太倉稊米集

宋周紫芝撰

卷一

湖陰行封豕長蛇夢中起

原本封訛豐据左傳改

卷二

牛女行天孫曉織雲錦章

原本孫訛絲今改

卷三

晚遊戒珠寺平池渺清深

原本池訛地今改

卷六

次韻元素登城暮歸二首王粲秋來正倚樓

原本粲

訛渠今改

次韻元素野步雙鑠何勞強據鞍 原本雙訛瞿据後

漢書改

卷八

次韻元司理元夜其二水晶簾底看燈人 原本人訛

火今改

菖蒲山子歌暮擁紅旌辭帝閣 原本閣訛闕今改

題馮尉綠淨堂誰道馮唐今白首 原本唐訛堂据漢

書改

卷十

小蔡許借徐書未至人中豈可無曹劉
原本曹劉二字互倒今改

卷十二

次韻張元明書劉氏草堂無腰畧可為人低原本低訛
紙又池塘看浴雙鳬雨原本浴訛洽今並改

題張元明四鬼捕獺龍圖蜥蜴螭俱論功
原本蜥蜴二字互倒据爾雅改

卷十五

歸自須江泊舟于湖舟中即事詩成可自哦 原本哦

訛娛今改

卷十六

官軍屢捷淮寇漸平其三風聲鶴唳是王師 原本鶴

唳訛佳哭据南史改

卷十七

飲酒其二薄言事耘耨 原本耘耨訛耕耨今改

卷十八

次韻道卿登樓有作雨餘簾幕捲雌霓 原本霓訛電

今改

題徐伯遠渚堂安得戴笠簪 原本簪訛著今改

卷十九

次韻黃文若寄燈夕不出之作鐘鳴漏忽盡原本漏訛
滿 又齒髮倏已暮原本倏訛條 又佳辰念京洛
原本洛訛路今並改

卷二十一

古風其二勁翮慕遠漢 原本漢訛溪今改

卷二十三

洗馬行園人但喜馬肥健 原本園訛園今改

卷二十四

對雨草閣爭先出 原本閣訛各今改

今日林中頗得佳荀恨我家無渭川竹 原本渭訛謂

竹訛作据史記改

卷二十五

昇平謠三代禮樂俱追還 原本還訛迷今改

卷二十六

冷泉亭放閒為君題作倒流泉 原本流泉二字互倒

今改

卷二十七

時宰相生日樂府序此某之折楊皇芎所以得至于鈞
庭之下也原本黃芎訛黃花据莊子改

上巳日雨中熟睡其二暗入羅敷陌上桑 原本敷訛
桴据古樂府改

卷二十八

九日陪李德儀兄弟游石屋海水自隨江水流 原本
隨流二字互訛今改

卷二十九

時宰相生日詩其二十五三君八俊今何處 原本八
訛公据後漢書改

卷三十

次韻仲平去惡木茸新軒有如胸臆蟲 原本胸訛駒
据後漢書注改

卷三十一

次韻子紹九日杜門老大徒自傷 原本徒訛德今改

卷三十二

時宰生日詩其五不拍洪崖肩 原本拍訛怕肩訛局
据南史改

卷三十五

題東林香山像半濕青衫淚如雨 原本衫訛山今改

卷三十六

午睡為流鶯作歌其三江南草長亂啼鶯 原本長訛
上据文選改

十月晦日郡席見鵝梨并刀未下已流涎 原本刀訛
到今改

卷三十七

寄小兒琴書二詩因趣其歸數得秋風到藕花 原本
花訛色今改

卷三十八

晚雨忽晴手執雲幢影凌亂原本幢訛童 又空復缺
戲一長嘆原本嘆訛笑今並改

卷三十九

送吳甥歸秣陵小技正可持自怡 原本持自怡訛謾
小觀今改

送元壽歸華亭神色甚凶獷 原本獷訛悼今改

卷四十

悼舒永豐烏去良弓藏 原本弓訛居今改

沈貴池挽詞一區未買江邊宅 原本區訛逼据漢書

改

卷四十一

哀湘累賦梟獍肆其愛鳴 原本獍訛查据漢書注改

感士不遇後賦偃鼠飲河期在滿腹 原本偃訛鷗据

莊子改

卷四十二

和陶彭澤歸去來詞念奴蘭而自昔 原本奴訛幼今
改

惠泉銘如鼎之沸 原本鼎訛釜今改

卷四十六

裨官論其後讀西漢書原本書訛詩 又萬鈞之所壓
原本壓訛壓今並改

卷四十七

擬廷試策正心誠意躬行乎上者原本乎訛以又可

以治人而事天原本事訛治 又則又當深明乎求
治之術也原本求治二字互倒今並改

卷四十八

策問第四至于楚元之好學東平之為善原本為善二
字互倒 又汗馬無英衛之勞原本馬訛焉今並改
策問第十四當時又有平頭上尾蜂腰鶴膝之語原本
上訛半据南史改 又大抵欲宮羽相諧低昂適節
原本諧訛慶適訛過今並改

卷五十

金明志卷之八十一
為張子房招四皓書却穀不食行已閱歲原本閱訛闕
又踵堯舜好賢之轍而天下服原本踵訛踴 又期
與天下更始原本脫下字今並改增

卷五十一

毛詩解義序嗚呼說詩者可謂難矣原本脫說字 又
首推匡衡蕭望之之徒原本脫下之字今並增

姑溪三昧序公握筆極低樹管微敬側 原本低訛抵
敬訛歌今並改

字序萬氏之二子皆從余游原本子訛說 又說者以

為恩如兄弟原本說訛子今並改

錢唐勝遊錄序不間晦明皆可人意 原本脫明字今增

別子劉子序子劉子靜重而寡過原本寡訛寬 又其學無所不窺原本脫無字今並改增

卷五十五

謝王侍郎薦舉啟懷仕非為貧之念 原本非訛以今改

謝沈秘校啟未遑持刺以踵門 原本刺訛次今改

卷五十七

上皇帝書臣聞漢遣蘇武持節匈奴遭緡王之變原本
緡訛縱据漢書改 又則是慶父不去魯難猶未已
也原本脫難字据左傳增

卷五十九

答通州吳司戶書一時作者又皆下世誰有主盟斯道
者 原本誰訛雖今改

卷六十六

書陸祠部帖後莊氏論蠻氏觸氏爭蝸牛之國 原本

觸訛觴据莊子改

海陵集

宋周麟之撰

卷九

賀右相啟王褒齧膝之駕要在得時
原本膝訛郝据
文選改

晦菴集

宋朱子撰

卷十七

奏救荒畫一事件狀竊慮合奏請事漸致後時
刊本
時訛冒据別本改

卷十八

奏義役利害狀將來雖施刑罰轉添詞訴
刊本雖訛
難据別本改

卷十九

條奏經界狀昏繆疲輒力不任事
刊本不訛而据別

本改

卷二十三

乞追還待制職名奏狀不得再有陳請 刊本得訛惟

今改

卷二十四

與李延平先生書大畧如日前書中之意 刊本日訛

中据別本改

卷二十五

答劉子澄其孫或則遂為唐衡之婿 刊本或訛或据

三國志改

卷三十八

答李季章相知亦有不待見其面目而得其心者 刊
本見訛藏据別本改

卷四十三

答廖子晦只得硬著脊梁與他厮捱 刊本捱訛崖今
改

卷四十九

答滕德粹程子所謂不敢自信而信其師者始為寄足

之地 刊本為訛者足訛兄今並改

卷六十四

答羣仲至難以一時所見遽定品目也 刊本定訛足

今改

卷六十九

漢同堂異室廟及原廟議使章帝有魏顓之孝 刊本

顓訛顓据左傳改

卷七十二

蘇氏易解上善若水 刊本若訛治據道德經改

卷七十三

讀虞隱之尊孟辨 刊本虞訛余据宋史改

卷八十二

書歐陽文忠公集古錄跋尾後韓公論之詳矣 刊本

詳訛郡今改

卷八十六

奉安蘇丞相祠告先聖文故相蘇公頌南安人也 刊

本南訛同据宋史改

卷九十

太孺人邵氏墓表盡紹其前人 刊本紹訛絕今改

卷九十八

伊川先生年譜尹焞張繹 刊本焞訛燉据宋史改

晦菴續集

宋朱子撰

卷二

答蔡季通正聲於十二月初氣奏之中聲即於中氣奏之
刊本下氣字訛聲今改

卷五

答李孝述繼善問目當有以培養之然後積漸純熟
刊本脫後字今增

晦菴別集

宋朱子撰

卷五

釋氏論上其所以至此之捷徑蓋皆原於莊周承蜩削
鐻之論 刊本鐻訛鐫据莊子改

卷七

再論上戶借貸米穀事春間將米穀等先放下戶 刊
本先訛生今改

方舟集 宋李石撰

卷一

王顯之求名其二子曰忠厚曰忠恕陶公責端宣晉人
警師仇 原本宣訛室師訛怖据淵明詩及左傳改

卷六

臨江仙咏佳人坐久不來來又去一方明月中庭粉牆
東畔小橋橫 原本又訛不橋訛樓据朱彞尊詞綜
改

卷九

釋老論佛氏以六波羅蜜為戒定三千大千世界一十八天八萬四千由旬 原本由訛有按文僧載外國事由旬者晉言四十里今据改

崔浩高允論又為郝標之徒所誤如刻國史於石以彰直筆 原本郝訛楊据北魏書崔浩傳改

卷十二

上王宣諭啟 原本訛作宣王諭按宋史職官志宣諭官名今据改

東萊集

宋呂祖謙撰

卷三

為梁參政作乞解罷政事表若復自安可謂無恥
刊
本若訛卷今改

卷六

李仲南集古錄序自歐陽文忠公始合而輯之和者踵
武
刊本踵訛雖今改

東萊別集

宋呂祖謙撰

卷三

朝祖日側主人入祖乃載踊無算
刊本脫踊無二字

据儀禮增

卷六

言歲何武條後為博士刊本後訛復
又武聞之終不

揚其惡刊本聞訛圍並据漢書改

魏徵條徵謂副使李桐客曰
刊本脫桐字据唐書增

[illegible]

欽定四庫全書考證

集部

卷八
十二

纂修官候補司業臣王太岳

臣曹錫寶

謄錄拔貢生臣劉衡詔

欽定四庫全書考證

卷八十二集部

止齋集

香山集

宮教集

定菴類稿

尊白堂集

東塘集

涉齋集

緣督集

雲莊集

舒文靖集

定齋集

九華集

野處類稿

應齋雜著

止齋集 宋陳傳良撰

卷十四

張某知宜州敕置候固圉重於他邦 刊本圉訛圉今
改

卷二十八

廟議魯語臧文仲曰 考下文乃展禽議臧文仲語此
作文仲之言誤

卷五十一

薛公行狀凡日收錢撫實係厯公隸否則劾聞 刊本

勅訛效今改

香山集

宋喻良能撰

卷一

喜賦又若號為上公震為長子沈疴既嬰溘然以死
原本訛訛啼据史記改

同從兄季弟游香山追和東坡端午游諸寺韻前車惟
伯氏後乘載阿連 原本連訛遷据蘓詩原韻改

卷二

石鐘山南北兩石鐘上下一水側 原本上訛工考一
統志石鐘山在湖口縣有二上鐘山在縣治南下鐘

山在縣治北其石視上鐘尤奇今据改

姚陶雖非淵明儔頗亦慕幽迹 案南宋名賢小集載

是詩幽迹作幽逸

何茂宏茂恭携酒見過復侑以詩次韻戲彩膝纔容亦

好草可藉 案亦好集中屢見乃良能所築園名

秋曉野步寒烟引輕雲澹澹紫本杪 案厲鶚宋詩紀

事輕雲作輕素

卷三

題楞伽寺李公山房藏書閣不見善和數千卷空聞鄴

侯三萬軸 原本和作私据柳宗元書改

八月十五日夜翫月前年磬湖新雨歇獨繞湖邊待明月
案磬湖集中屢見乃良能家園之名磬原本訛

聲今改

卷五

書大洞僧壁幽花充佛供好鳥伴僧禪 原本僧禪作
談禪据南宋名賢小集改

卷六

次韻外舅黃虞卿為愛山園好其八疎簾捲雌霓曲檻

倚雄風 原本霓訛寬据南史改

臘八日雪參議林郎中有詩因次韻淖糜分臘序圓炭
度朝寒 原本淖訛掉案爾雅釋言鬻糜也注曰淖
糜也今据改

卷七

次韻李大著春日雜詩其六潦倒同中散歡欣似啟期
原本期訛明据莊子改

十一月二日與陸明府陳廣文飲閤中堂脩年契也
案集中有詠閤中堂詩此處閤訛閤今改

卷八

一室只擬綸中持羽扇未須赤脚踏層冰 原本層訛

塵据杜甫詩改

柳季脩知丞以詩見貽次韻為謝詩清子厚龍城句字

瘦誠懸殿壁書 原本誠懸訛城懸据唐書改

次韻伯壽兄見寄江國疎梅吐玉英故園想見木欣榮

原本玉訛正据南宋名賢小集改

卷九

再用前韻呈叅議李郎中顧我摧頽如病頽羨公騰踏

勝飛黃 原本飛訛風据韓昌黎詩改

卷十一

平湖密曲六從霜後熟玉芙蓉向露中芳 紫授時通
考枳棋一名密屈律經霜乃熟以其枝多而曲故名
此云密曲六音近而義亦相通當即是枳棋也

遊下巖過松峭祠傍偃松細雨復青池上草西風頓白
鬢邊蓬聊同吾黨二三子來訪山中十八公 原本
頓訛煩聊訛仰並据南宋名賢小集改

卷十三

次韻楊廷秀郎中游西湖其九
祥暑渾如深甃炊
原
本祥訛伴紫毛詩蒙彼絢締是紕祥也傳云締之靡
者為絢當暑祥延之服鄒浩詩清標藐冰壺一見滌
祥暑今据改

次槐卿舅詠梅其二
但得橫枝臨却月
不須斗酒博西
涼
原本却訛即据何遜詩改

卷十四

六月十六日偕夏卿遊香山夏木陰陰翠竹疎
相携蕭寺
饌伊蒲
原本伊蒲訛尹甫据後漢書改

--	--	--	--	--	--	--	--	--

宮教集

宋崔敦禮撰

卷五

進重刪定呂祖謙所編文鑑劄子 案李心傳建炎以來朝野雜記奉勅刪定文鑑者實崔敦詩此文乃在敦禮集中或係代作亦未可定姑仍原本

定菴類稿

宋衛博撰

卷一

次韻謝王使君見贈其二功成刻楮謾三年 原本年
誤干今改

乞進帝學劄子秦之穆公魏之文侯亦有樂正裘牧仲
與夫段干木田子方之流 按樂正裘牧仲孟獻子
之友此引作秦穆公事蓋誤用

代人進故事劄子葉公子高所好畫龍爾而真龍見焉
原本脫高字据莊子補

卷二

辭免御營使表畧反汗之小嫌收出綸之成命 原本

命訛名今改

謝除徽文閣直學士表炯然欲報之心老矣既憊之力

原本既訛能今改

真定府賜燕珠盤玉敦篤信誓於齊盟昌歆形鹽享多

儀於備物 原本敦訛果据周禮改

卷三

賀葉參政啟三后同底於道上方有意于太平四方惟

乃之休公亦有辭于永世 原本脫休字据書經增
與教授啟談經廣坐重五十席而未休成書滿家奏三
千牘而盡善 原本奏訛莫今改

賀蔣樞密啟阪泉七十二戰黃帝不能以去兵相州六
十萬師郭令猶為之不守 原本戰訛載黃訛皇今
改

尊白堂集

宋廣傳撰

卷一

暇日邀王天任諸公遊南坡其二況當荷傾蓋莫待粟
過拳 原本過訛過按杜工部有稂多粟過拳之句
今据改

無眠人情風上草身世眼中沙 原本眼訛眠按白居易
易詩何意掌上玉化為眼中沙今据改

將至天目登高嶺雨過黃梅盡風來翠剡齊 原本剡
訛炎按東坡有春秧欲老翠剡齊之句今据改

偶成其一有底金千鎰無何酒一盃 原本鎰訛鏹据

周禮改

再和陳德章春日送客其一含含歌麥秀廡下老梁鴻
原本含含訛哺哺按梁鴻傳惟季春兮華阜麥含
含兮方秀今据後漢書改

卷六

論用人聽言劄子罷甘泉宮衛齋三服官 原本三服
訛三品据漢書改

東塘集 宋袁說友撰

卷一

江舟緯夫有唱湖州歌者殊動家山之想賦吳歌行

案說友家傳稱為建安人而此題聽唱湖州歌有家
山之感詩中又有我家苕霅邊之句蓋宋南渡以後
士大夫流寓不常其里貫則仍署祖籍如韓氏居上
饒而自稱潁川呂氏居婺州而自稱東萊是其例也
和林子長韻乞我黃淤秋同此天地和 原本淤訛於
据陳師道詩乞我黃淤十里秋句改

卷二

題王順伯秘書所藏蘭亭修禊帖如丁如爪辨形似不
豐不露分肥瘠 原本爪訛爪按定武蘭亭本說者
謂殊字如蟹爪列字如丁形今據改

卷三

新河一川漲碧分灘遠萬柳排青夾岸多 原本灘訛
誰今改

謝誠齋惠酒平生楊敬惟稱項歲晚佳芭只守雄 原
本敬訛敬按楊敬之詩到處逢人說項斯今據改

卷五

和薛子晉來慶癸未登第韻其二底事牛堪有歸序韓
公平日最相親 原本牛訛朱按韓昌黎集有牛堪
序今据改

贈應童子黃石固應傳孺子元文真可與童鳥 原本
鳥訛馬据揚子法言改

卷六

和子長見招韻其四飛香雨過雙溪閣舞翠荷開十丈
花 原本舞訛無今改

卷八

論士大夫氣節百里奚愚於虞而智於秦裴矩佞於隋而忠於唐 原本矩訛矩据唐書改

卷十二

舉隱逸狀恭惟藝祖皇帝之召王昭素真宗皇帝之召种放二人者皆是逸民 原本昭訛召据宋史改

卷十五

代王江陰謝改知饒州表雖舍魚而取熊掌已則幸之然頑石而冠龍頭人誰甘者 原本頑訛利今改

卷十七

賀兵部王尚書啟彼衛綰石建之輩何能起中葉之衰
而鄭綱德與之徒烏足掃淮西之僭 原本綱訛綱
與訛與並据唐書改

除國正謝右相啟昔馬起部之超承已勤薦禰今也成
均之聯屬更荷鑄顏 原本禰訛稱今改

卷二十

家傳生於紹興庚申歲 原本庚訛壬按說友卒於嘉
泰甲子年六十五歲當是生於紹興庚申年也今据

改

涉齋集

宋許綸撰

卷二

再次大用韻賦梅花昨夜來朔風吹香過南町
原本
香訛音今改

卷三

邵廷評供職未閱月乞為淮南檢法以歸賦長句見志
次韻為錢挂笏聊看卷畫山岸巾且飲淮南酒
原本
本岸訛崖今改

次韻何起巖喜雨瑰章傑句助歡呼石燕商羊俱鼓舞

原本句訛自今改

卷四

馴熊歎忽然逸出渠亦敢嗇夫當之作人立 原本立

訛力今改

卷五

次韻轉庵喜雨其一通夕聞鳴雷凌晨起炷熏 原本

雷訛雷今改

卷七

元日登天長縣城此城曾是千秋縣有水呼為萬歲湖

原本湖訛明今改

王宣甫有詩為寒食之約次韻春風已入青絲鞵好句
終歸古錦囊 原本鞵訛鞵今改

卷八

春晚登鈴岡溪漲未消知雨近林疎頓密見春深 原
本消訛澤今改

卷十

酬劉孝若其二新竹篩金鳴粉籜初荷擎蓋弄紋漪
原本紋訛紋今改

卷十二

李若兄菊詩同社久已嗟賞次韻奉酬一種最開陶徑
晚兩年曾向蔣山求原本蔣山求訛將山來今改

緣督集

宋曾丰撰

卷七

再遊登滕王閣斷碑無日不濃墨古砌新秋猶雜苔

按宋詩紀事新秋作雖秋雜苔作淺苔似較此虛實
對勝今仍大典原本

陳子尚滄洲趣猗蘭青青結幽思杜若紛紛生遠愁

原本猗蘭訛倚闌按文選藉皋蘭之猗靡下句用杜
若則此句當用猗蘭為偶今改

卷十

紹興淳熙兩朝內禪頌 按此篇鰲溪舊誌載曾丰倅
瓊目所作駟置以獻中朝稱其考證千載若合符節
有可薦清廟之語

賀江西提刑馬少卿上任啟浮榮莫動處九棘不殊于
二松大事敢爭視三台無異于一介 按二松刊本
作三槐玩句義自應用二松為是

卷十一

代廣東帥通廣西漕到任啟行上木牛之效南海澄清
佇歸金馬之居北辰密邇 原本木訛土今改

雲莊集

宋曾協撰

卷二

李懋之壺中齋詩要識廣輪藏栗粒且將談笑舉針鋒
原本輪訛輸今改

趙有翼招同社出遊次韻四山濃淡要題品百卉後先
宜按行 原本按訛接今改

和史侍郎遊澹巖韻六首 原本巖字訛作山巖二字
按廣輿記湖南永州府城內有澹巖樓殿隱石隙中
風雨不能及四壁削成萬仞今据改

和翁士秀瑞香水仙其一蝶遶蜂圍碧玉叢紫羅囊小
透春風 原本透訛逕今改

酹江月好是危亭片峯迎面獨占清溪曲 原本片訛

卞今改

卷三

賀劉太尉啟威加鄰國聲名可怖於四夷功在本朝和
好蓋成於一戰 原本聲訛惟今改

賀黃同知啟及歷千牛而不頓金由百鍊而愈剛 原

本牛訛牟今改

賀新湖州程樞密啟撫熊軾以班條方聳一圻之望彈
貂冠而就道實歸四海之心 原本彈訛彈今改

卷四

辛巳上時相書駿茂一言而得之於堂下阮瞻三語而
置之於幕府 原本駿訛駿阮訛元据左傳及晉書
改

舒文靖集

宋舒瑛撰

卷上

答喬世用書惟經總制錢費力原本經總二字互倒
据文獻通考改

--	--	--	--	--	--	--	--	--

定齋集

宋蔡戡撰

卷一

進貞觀諫錄劄子諫案集中繳進貞觀諫錄劄子有淳熙改元云云則是劄乃孝宗淳熙元年所上

乞備邊劄子 案集中繳進貞觀諫錄劄子云淳熙改元臣蒙恩假守漢東則此劄乃淳熙元年所上故篇中有思中興之治於茲一紀及臣所領州郡密邇敵境云云也

薦鄂州通判劉清之狀 案宋史劉清之傳通判鄂州

改權發遣常州考薛應旂續通鑑除清之通判鄂州
在淳熙三年八月以清之知常州在五年冬則此狀
當是五年以前所上

乞代納上供銀奏狀案此狀據歷代名臣奏議增入當
是戡提舉廣南東路常平茶鹽公事時所上蓋淳熙
六年也又案凌迪知萬姓統譜載戡持節五羊所部
十四郡歲以數銀為病戡代輸民甚便之當即此事
篇中一十四州府云云可見

割屬宜章臨武兩縣奏狀 案宋史孝宗本紀平李接

在淳熙六年十月此狀當上於十月以前也

禦盜十事劄子 案篇中稱辛棄疾奏官吏貪求民去
為盜云云考宋史辛棄疾傳由湖北轉運副使改湖
南尋知潭州兼湖南安撫盜連起湖湘棄疾悉討平
之以孝宗本紀考之平李接在淳熙六年十月此狀
當是十月以前上也

第九條使大小保甲與被盜之家均備樁管盜不可得
錢已乾沒 原本保甲訛得申据歷代名臣奏議改
第十條凡所以設官置吏為軍民而已豈為是虛名哉

金史卷八十二
原本脫名字据歷代名臣奏議增

卷二

臧否守臣奏狀 按宋史孝宗本紀淳熙七年七月癸丑詔二廣帥臣監司察所部守臣臧否以聞此狀當是其時所上

論臧否守令劄子 案此劄係淳熙八年所上考宋史孝宗本紀乾道二年六月甲戌詔諸路監司帥臣各察守令臧否以聞故篇中云臧否之令行之十六年也

臧否守臣奏狀 案此狀亦係淳熙八年所上考薛應
旗續通鑑孝宗淳熙八年閏三月辛巳命諸路帥臣
監司分州郡臧否為三等歲終來上與篇中之語合
薦衡州通判宗嗣良狀 案此狀亦係淳熙八年所上
論備盜劄子案此劄据歷代名臣奏議增入當是淳熙
八年提點荆湖南路刑獄時所上 又臣竊見廣西
提刑徐詡奏請乞撥本路摧鋒軍效用軍等兵五百
人案宋史孝宗本記淳熙七年乙未詔撥廣西兵校
五百人隸提刑司當是從徐詡之請也

乞選擇監司奏狀案此狀據歷代名臣奏議增入當是
淳熙九年所上

卷三

乞禁止沿邊作過人劄子 案此劄當是淳熙十年所
上考宋史隆興二年和議成故篇中有自再議和以
來垂二十年之語

乞移運襄陽府榷管米劄子 案此劄當是淳熙十年
前後所上

奏場務虧額狀 案此是淳熙十年所上

論屯田劄子 案宋史孝宗本紀淳熙十年五月辛卯
詔疏襄陽水渠以渠旁地為屯田尋詔民間侵耕者
就給之此劄當即其時所上

薦諸軍統制官狀 案宋史孝宗本紀淳熙十一年六
月戊午朔詔諸道總領舉偏裨可任將帥者此狀當
是其時所上

卷四

乞宮觀劄子 案篇中自戊戌之秋首尾七年云云此
劄當是淳熙十一年所上

乞修江陵府城劄子按宋史孝宗本紀淳熙元年六月
改江陵府為荆南府此文云江陵府者已復舊名地
理志所謂未幾復為江陵府制置使是也又案本紀
云十三年八月新築江陵城成此劄當是十三年以
前所上 又欲望聖慈斷自宸衷給降行在會子三
十萬道原本會子訛會于据歷代名臣奏議改

論唐鄧間道劄子 案此劄据歷代名臣奏議增入自
此以下共八篇俱係孝宗時所上其年月未詳故彙
錄於後

論用人劄子元祐初載司馬光呂公著范純仁呂大防
劉摯蘇轍輩相繼用事 原本劉摯訛劉摯据宋史
改

卷五

論州縣科擾之弊劄子 案篇中裁損經總制錢四事
見宋史本紀故史臣贊云薄賦緩刑見於紹熙初政
是劄當上於其時

繳進貞觀諫錄劄子 案篇中云壽皇聖帝孝宗未有
廟號此劄蓋上於光宗紹熙初年也

乞以壽皇聖帝為法劄子 案此劄亦係紹熙初年所

上

論苟且之弊劄子 案歷代名臣奏議載光宗以紹熙

二年春有雷雪詔陳時政得失故載上此劄及下論

時事一篇考宋史光宗本紀二年二月乙酉所下之

詔與此相符

論選用宗室劄子 案歷代名臣奏議此劄光宗時所

上

乞上過宮劄子 案宋史光宗本紀紹熙三年十一月

辛卯帝朝重華宮十二月癸卯帝率羣臣上壽聖皇
帝玉牒聖政會要於重華宮此劄乃四年所上

論時事劄子 按宋史光宗本紀紹熙四年十一月戊
寅帝朝重華宮癸未帝率羣臣奉上皇太后冊寶於
慈福宮此劄即是年冬所上

卷六

論謹始八事疏 按宋史寧宗本紀紹熙五年七月甲
子帝即皇帝位戊辰詔求直言乙亥賜前宰執侍從
詔訪以得失戊子詔百官輪對此疏即是年所上

乞法太上皇帝馭下納諫二事劄子 案此劄光宗未
有廟號當上於寧宗初年

論邪正劄子 按此劄亦係寧宗初年所上

薦臨安通判王補之狀 案此狀亦係寧宗初年所上

論治道疏 案此疏据歷代名臣奏議增入當是寧宗
受禪時建泰安宮後所上

論聖孝劄子 按宋史寧宗本紀紹熙五年十月庚寅

更泰安宮為壽康宮此劄當是十月以前所上

乞賑濟劄子 按凌迪知萬姓統譜云載於寧宗朝為

京兆尹歲滂糴艱戡亟請發民賴以濟考宋史寧宗
本紀慶元元年正月辛亥以久雨賑給臨安貧民當
是從戡之請也

辭免除寶謨閣直學士劄子 案宋史寧宗本紀嘉泰
二年八月癸未建寶謨閣以藏光宗御集戡之除官
或在是年

薦胡槻万俟似狀 按此狀以下共八篇俱是寧宗時
所上

卷七

太上皇后壽表 按宋史孝宗本紀淳熙十年十二月

丙子朝德壽宮行太上皇后慶壽禮又案后妃列傳
淳熙十年以后年七十親屬推恩有差二表當是其
時所上

謝頌降御筆廷詔碑表敢不仰體訓詞推大成繭旅生
之治精加督察庶臻附枝兩岐之祥 原本成訛誠
案成繭旅生見後漢書光武本紀今据改

湖南提刑到任謝表 案凌迪知萬姓統譜載為湖南
憲李昂霄有異謀單車馳諭即在此時又以戡所作

大父行狀考之其為提刑乃淳熙八年也

京西運判到任謝表皇靈遠憺聖德兼容 案憺字說

文安也類篇恬也考漢書李廣傳威靈憺乎鄰國註
作恐字解戡文蓋本此

淮西總領到任謝表 案戡奏場務虧額狀云臣於七

月二十日到任蓋在淳熙十年此表當即其時所上

湖北總領到任謝表 案此表當是淳熙十年後所上

廣西經畧到任表 案戡詩題有淳熙戊戌將命廣東

後二十三年分閫桂林云云此表當是嘉泰元年所

上

除寶謨閣待制謝表 案此表當在寧宗嘉泰間所上

賀正表 案此表亦係寧宗嘉泰間所上

瑞慶節賀表 案宋史寧宗本紀帝於乾道四年十月

丙午生紹熙五年七月甲子即皇帝位八月丁酉以
生日為天祐節九月甲戌改為瑞慶節此表蓋上於

開禧後戡奉祠之時

代辭免簽書樞密院表 按此表以下共三篇俱係代

王之奇作今彙錄於後又宋史宰輔表乾道八年二

月王之奇自吏部侍郎權尚書賜同進士出身除端明殿大學士簽書樞密院事孝宗本紀並同

代淮東安撫使謝表 案宋史宰輔表乾道九年正月

王之奇罷簽書以資政殿學士知揚州淮南安撫使孝宗本紀並同此云淮東者蓋正月尚合兩路為一道有戲作之奇行狀可證考地理志淮南舊為一路熙寧五年分為東西兩路元祐元年西路東路並為淮南路孝宗本紀乾道九年三月復分淮南路安撫使為東西路之奇到任應在三月以後故題作淮東

也

賀太上皇后牋案此牋係淳熙十年所上

太后慶壽賀皇后牋案此牋亦係十年所上又考宋

史后妃列傳成肅謝皇后淳熙三年由貴妃立為皇

后

賀太皇太后牋按宋史后妃列傳成肅謝皇后光宗

受禪上尊號壽成皇后尋尊為皇太后寧宗慶元初

如號惠慈嘉泰二年加慈祐太皇太后又案寧宗本

紀開禧元年五月乙亥詔以衛國公曦為皇子進封

榮王二牋當是其時所上

賀皇后牋 案寧宗皇后二一為恭淑韓皇后一為恭聖仁烈楊皇后此牋上於開禧元年則楊皇后也

卷八

上汪制置書 案汪制置名應辰此書當是乾道三年所作

上虞樞密書 按虞樞密名允文此書當是乾道五年所作

乞更運京西椿管米事 案此書當是淳熙十年所作

辭免乞宮觀書

按戡乞宮觀劄子有戊戌之秋首尾

七年云云此書當是淳熙十一年所作

辭免應辦孝宗皇帝梓宮渡江轉官書

案此書當是

光宗紹熙五年冬所作

上論邊事二書

案此書當是慶元四年後所上

上宰執書

按篇中所云與戡生平出處不符當是代

人之作今附錄於後

卷九

迎汪制置啟

案宋史汪應辰本傳孝宗時以敷文閣

直學士為四川制置使知成都府入覲除吏部尚書
考孝宗本紀及宰輔表當在乾道三年冬

賀梁樞密啟 案宋史宰輔表乾道五年二月甲寅梁
克家自給事中除端明殿學士簽書樞密院事此啟
當作於其時

賀王參政啟運籌而合上意有嘉底績之言共政而圖
舊人果拜為真之命 案宋史宰輔表乾道五年二
月甲寅王炎自端明殿學士簽書樞密院事兼權參
知政事兼同知國用事知樞密院事孝宗本紀無權

字此云果拜為真之命則炎蓋由權參知政事而進
參知政事紀與表各漏書其一此可補正史之闕

賀王叅政啟 案宋史孝宗本紀乾道五年三月乙亥
以王炎為四川宣撫使仍參知政事此啟蓋三月所
作

賀虞樞密啟 按宋史宰輔表乾道五年六月己酉虞
允文自資政殿大學士知樞密院事四川宣撫使召
除樞密院使孝宗本紀及允文傳皆同二啟當作於
六月七月間

賀史發運啟 案宋史孝宗本紀乾道六年三月復置

江浙荆湖兩廣福建等路都大發運使以新知成都府史正志為之此啟當即是時所作

改官後謝福州陳丞相啟 案宋史宰輔表乾道六年五月陳浚卿罷左僕射除觀文殿學士知福州孝宗本紀及浚卿傳並同此啟當是其時所作

賀龔運使啟 按宋史龔茂良傳自廣東提刑知信州召對崇政殿除直顯謨閣江西運判兼知隆興府在陳浚卿出知福州之後此啟當亦作於乾道六年

賀王樞密啟

按宋史宰輔表乾道八年二月癸丑王

之奇自吏部侍郎權尚書賜同進士出身除端明殿

學士簽書樞密院事孝宗本紀同此啟即是年所作

除正字謝宰執啟

按此啟當是孝宗乾道淳熙間所

作

賀龔參政啟

按宋史宰輔表淳熙元年十一月戊戌

龔茂良自禮部侍郎兼權禮部尚書除參知政事孝

宗本紀及茂良傳皆同此啟當即是年所作

賀建康留守陳少保啟

案宋史孝宗本紀淳熙七年

六月丙戌以特進觀文殿大學士判建康府陳浚卿
為少保浚卿本傳同此啟當是其時所作

賀周知院啟 案宋史宰輔表淳熙九年六月丁巳周
必大自叅知政事除知樞密院事必大本傳同此啟
當是其時所作

卷十

賀李參政啟 案宋史宰輔表淳熙二年閏九月丁巳李
彥穎自端明殿大學士簽書樞密院事除叅知政事
孝宗本紀及彥穎傳並同本紀又云淳熙九年七年

壬辰以資殿政學士李彥穎叅知政事彥穎傳亦云
提舉洞霄宮復叅知政事則此啟當作於九年而宰
輔表是年宰執之拜罷脫謬甚多得此文可與紀傳
互証 又觀天人甚可畏也深思董生之言為國家
不足懼焉再味康澄之說原本康澄訛作康成今据
五代史改

除湖廣總領謝宰執啟 案此啟當是淳熙十年後所
作

知隆興府到任謝宰執啟 案此啟當是寧宗慶元初

年所作

知靜江府到任謝宰執啟

案戲之知靜江府蓋在慶

元嘉泰間考宋史寧宗本紀及宰輔表慶元六年八月丁酉以後嘉泰三年正月己卯以前謝深甫一人獨相篇中有淝水東山云云則此啟當是上深甫之作

代賀汪尚書啟

案汪尚書即應辰此啟蓋乾道三年

所作

代賀黃尚書啟

案朱子端明殿學士黃中墓誌云乾

道元年除集英殿修撰致仕六年召為兵部尚書兼
侍讀宋史黃中本傳同此啟當是六年所作

卷十一

廷對策

案此策當是乾道二年所作

館職策

案此策乃乾道七年所作

卷十二

高帝論信方懷推食解衣之恩力拒武涉蒯通之計原

本蒯訛荆今据漢書改

又何之守關中用召平鮑

生之計原本召訛郡今据史記蕭何世家改

申屠嘉論初以材官蹶張從高帝征伐 原本材字下
多一居字今据漢書刪

定齋記 按此記當是紹熙二年辛亥後所作

卷十三

送陳侍郎序 案宋史陳浚卿傳乾道元年自提舉太平興國
宮入除吏部侍郎同修國史尋知建康府此序當是其時所作
送岳大用序 案戡跋東坡墨蹟所題歲月則此序當
作於乾道年間

蘆川居士詞序 案陳振孫書錄解題云蘆川詞一卷

三山張元幹撰坐送胡邦衡詞得罪秦相者也又按
宋史胡銓上書請斬秦檜謫廣州在紹興八年十一
月再謫新州在十二年七月史不載張元幹以詞送
別事而王明清揮塵錄詳言之今考元幹蘆川歸來
集中有送胡邦衡待制赴新州賀新郎一闋即此序
所云請以冠諸篇首者也

跋張大資政奏議 按陳振孫書錄解題張守著有毘
陵奏議二十五卷又考宋史張守傳紹興八年以資
政殿大學士知婺州

隆興府勸農文 案戡知隆興府在寧宗慶元初年此文卽是其時所作

祭亡弟兄夫文 按此篇當是淳熙十一年所作

卷十四

故端明殿學士王公行狀案此狀原本無姓名籍貫三代今考孝宗本紀王之奇自吏部侍郎權尚書除端明殿學士王公蓋卽之奇當是乾道九年所作也

又九年正月遂解機政案宋史宰輔表乾道九年正月王之奇罷簽書以資政殿學士知揚州淮南安撫

使孝宗本紀同原本作二月誤今考正

大父行狀案此篇係淳熙八年所作 又公諱伸字申

道原本伸訛伯申道訛申通今据凌迪知萬姓統譜

改又考宋史蔡洸傳云父伸左中大夫與此狀官至

左中大夫次子曰洸相合 又夫人賈氏生直龍圖

閣佃徽猷閣待制佃原本佃訛伸考萬姓統譜云伊

大觀三年進士官至徽猷閣待制與下文待制以上

舍中大觀三年丙科之語相符今改 又龍圖中崇

寧二年進士第一案崇寧二年宋史作政和初與此

互異 又喜為詩詞通音律案陳振孫書錄解題云
友古詞一卷左中大夫莆田蔡伸撰伸自號友古
居士君謨之孫 又戡知婺州浦江縣原本浦作普
當以音近而訛今据宋史地理志改

卷十五

故朝議大夫直寶文閣學士胡公墓銘案此篇當是淳
熙五年所作 又曾大父贈太師案宋史胡宿傳作
太子太傅與此互異 又大父諱宗堯都官員外郎
案胡宿本傳子宗炎以直龍圖閣知穎昌府歷密州

而卒從子宗愈宗回附見傳中無所謂都官員外郎
名宗堯者考胡宿文恭集中李太夫人行狀云孫宗
度宗陽宗堯凡二十四人宗堯擢進士第任饒州團
練判官彼此互異

朝奉郎提點江南東路刑獄趙公墓誌銘 案此篇當
是淳熙十三年所作

中大夫致仕朱公墓誌銘 案此篇係慶元四年所作

卷十六

新居用韓昌黎詩辛勤三十年以有此屋廬為韻作十

詩 案此詩當是光宗時所作

朱文朝宗索壺村落成之集次韻簡之 案戲所著朱朝宗墓誌則此詩當作於慶元四年以前

病中紀事 案此詩當是慶元六年庚申所作

效白樂天體自詠二十韻案此詩當是開禧二年所作

送張安國舍人 案宋史張孝祥傳高宗時為起居舍

人權中書舍人孝宗時復除起居舍人此詩當作於

孝祥出知靜江府廣南西路經畧安撫時也

和楊廷秀遊蒲澗之什 原本蒲澗訛間据誠齋集原倡題改

卷十八

予頃歲持節湖湘今二十四年白首重來親舊十無二
三感而有作 案此詩當是光宗時所作

乙卯春病中書 案此詩當是慶元元年所作

代趙儀可挽劉叔丙 案宋末趙儀可名文著有青山
集與戡時代不相及疑別一人同姓名者或他人詩
誤入勘集今無別本可校姑仍其舊

感事 案此詩當是開禧二年所作

卷十八

易地湖外喜而有作 案此詩當是淳熙八年戡為湖
南提刑時所作

丁未立春日讀白樂天浩歌行不覺身年四十七之句
時方悼亡有感而作 案此詩當是淳熙十四年
所作

卷二十

六十 案此詩當是慶元六年所作

九華集

宋員興宗撰

卷一

和王丞絕勝亭三嵎此其一松柏爭敷榮 按一統志

三嵎山在仁壽縣原本嵎訛隅今据改

宜賓別楊同年次論月蝕詩獨採全愈心 原本全訛

全今改

卷二

紫雲洞道在翳嘶峯外之高峯 按一統志所引益州

志云東西南隅相對共號三嵎二山之名曰飛泉翳

嘶跨龍原本駢訛醫今据改

卷四

遣興其八陝府東郊魏仲先 按宋史魏野傳野字仲
先居陝州之東郊原本先訛賢今据改

贈金山老寺内何人口生醪阿師政爾息深深 原本
醪訛濮案廣韻内有醪字注云醋生白醪也興宗用此
字蓋即口角流沫之意今据改

卷五

嚴爵賞劄子戶為胠篋本以防盜也大盜至則并胠篋

而取之按莊子將為胠篋探囊發匱之盜而為守備
則必攝絨縵固扃鐃胠篋蓋指盜而言此處戶為胠
篋本以防盜云云是誤以胠篋為守備之具也此興
宗不檢之失 又蓋壞陞下德意者有司也原本壞
訛懷据歷代名臣奏議改

廣招募劄子凡捕人補軍如捕逃亡 原本脫人補二
字据歷代名臣奏議增

卷六

風俗議以教唆為養生以鼓鬪為樂事良民怯畏蓋亦

坐是 原本坐訛止据歷代名臣奏議改

議虛額疏何謂權宜之法四川折估是也原本估訛沽
又前日頒下三百萬之數原本脫百字並据歷代
名臣奏議增改

議冗員疏太平興國初朝官班簿纔二百人 原本初
訛兩据歷代名臣奏議改

卷七

議功賞疏如雷有終在蜀尚給功帖七千原本雷訛此
据歷代名臣奏議改 又應合酬叙之人令主將對

衆叙定原本主訛諸叙訛聚並据歷代名臣奏議改
議征稅疏本無稅物監欄一面虛喝謂之花唱 原本
花訛化据歷代名臣奏議改

卷九

陳子昂韓退之策所謂柳氏則子昂似之文傳太原盧
藏用藏用傳燕源明源明則退之之所師友也 原
本源訛淵今改

卷十二

答洪丞相問諫碑書劍川梓潼道上有雙闕或云孝廉

關或云使君關原本梓訛倅据宋史地理志改又
司馬天官書咸池曰天五潢原本脫潢字据史記增

卷十三

上執政書昔契丹使蕭英來聘仁宗以富弼接伴原
本伴訛律据宋史改

卷十四

謝蔣參政啟家三徑以載清論萬幾而中病原本徑

訛經按此當是用蔣詡蓬蒿三徑事也今据改

賀漕使啟陝以西二公主之斗以南一人而已原本

脫一字今增

卷十五

上宰相其二皆願掃門而無因望烏而不得 原本掃
訛歸据史記改

卷十六

上虞丞相其三如張愈蘓洵一時薦錄 原本愈訛俞

按張愈字少愚益州郫人見宋史隱逸傳今据改

與喻少穆知縣每以表伯郎中捫膝先生為法 按王

應麟困學紀聞後魏葛榮陷冀州賈景興稱疾不拜

每捫膝曰吾不負汝偽楚之僭喻汝礪捫其膝曰此
豈易屈者哉以捫膝自號蓋本於此又按喻汝礪字
迪儒蜀之仁壽人官祠部員外郎歸隱邛山之陽自
號捫膝先生有捫膝稿表伯郎中蓋即汝礪也原本
脫先生二字今增

與喻漢輔此間客愁縛人臣朔之飢又不免也 原本
朔訛朝据漢書改

卷十八

三史亞六經論觀其傳龜策傳日者其事類淫巫瞽史

原本日訛見据史記改

諸子言性論至若杜牧皇甫湜李翱之徒 原本湜訛

浚据唐書改

聖人之書言行論仕則進而無可無不可心則縱而矩

不踰 按從心作縱心見興宗論語解

七十二賢論觀其命君陳命蔡仲 原本君訛名今改

卷十九

隆州新倉郡樓記按宋史地理志隆州舊為仙井監隆
興元年始改名原本州訛周今据改 又若牽乎廬

阜賓乎衡麓原本阜訛追今改

卷二十

送魏元履序予初以冒處三館為愧 原本三訛至按
興宗于孝宗時召試入三館今据改

跋劉原文是歐陽子之所以敬學者歟其後蘓彥瞻
執贄見公長安曰是出于天不可及者是氣也而彥
由亦曰今之伯夷不可尚已 按蘓彥瞻彥由即子

瞻子由也宋人有此稱殆不欲直斥先賢之字耳

嘉州德山和尚塔銘且一水顧異月萬竅顧異風乎

原本月訛曰今改

卷二十一

員公墓誌銘大儒蘓洵明允文同與可皆與之定交

原本同訛周今改

卷二十二

論語解七十而從心所欲不踰矩惟其時中心則縱而
矩不踰也 按此解與集傳不同

攻乎異端斯害也已 按此解攻字作辭而闢之已字
作止字意其說亦與集傳不同

卷二十二

老子解衆人熙熙如享太牢如登春臺 按登春臺王

弼注本作春登臺

柔弱勝剛強 一本作柔勝剛弱勝強

侯王得一以為天下貞其致一也按集竑云致之下開

元本無一也二字王弼注本從之 又王侯無以為

貞而貴高將恐慶按王弼注本作王侯無以高貴將

恐慶與此互異

夷道若類 按類字王弼注本作類河上公注本與此

同今仍其舊

子孫以祭祀不輟 按韓非子以字下有其世世三字

毒蟲不螫猛獸不据攫鳥不搏 按毒蟲他本俱作蜂

蔓虺蛇惟河上公本與此同

是以聖人欲上人以其言下之 按他本無聖人二字

我有三寶保而持之 按保而持之王弼注本作持而

保之

善勝敵者不爭 按爭字王弼注本作與

夫惟無知是以不我知也 按不我知下各本俱無也

字

知不知尚矣 按尚字各本俱作上併無矣字

民之飢以其上食稅之多也 按多字下河上公及王

弼注本俱無也字

卷二十四

秦州徙城北山北山即隗囂故宮杜少陵所謂秦州山

北寺故跡隗囂宮 原本宮訛官又按杜甫秦州雜

詩故跡隗囂宮故跡一本作傳字

四川山寨天設之險杜老謂萬古仇池穴潜通小有天

原本杜老訛東老今改

卷二十五

紹興采石大戰始末 按采石之戰乃紹興三十一年
高宗親征詔葉義問督視江淮軍馬虞允文參謀軍
事是卷所紀始末甚詳足與史鑑互相參證

野處類藁

宋洪邁撰

卷上

曉過吳縣雙櫓兀殘夢 原本兀訛尤今改

陪餘杭張無隅先生飲士林師範六一翁 原本一訛

干今改

戲答胡汝能我介足怨忌君通絕嫌猜 原本足怨二

字互倒又猜訛精今並改

書窗對月今年有奇事三見飛玉英 原本飛訛非今

改

宿野人家人家一宿晚可投 原本晚訛曉今改

度石棟嶺敲冰那可飲 原本冰訛冷今改

寄題叔父池亭轉舵失高城 原本舵訛枕今改

蔬飯嗟余飯藜藿咽塞舟沂瀨 原本沂瀨訛沂瀨今

改

送僧往將妙響應空谷一任飛來遂止車 原本車訛

梁失韻今据六度集經改

卷下

題蘆雁屏秋風不勝威 原本威訛感今改

十一月十九日與仲猷大年綽中美中飲于南臺空山
欲雪雲冥冥原本雪訛聖 又此身垂欲走塵土原
本上訛不 又金昆石友一開眉原本金訛登按此
詩并見朱松韋齊集未知孰是今並据改

宿禪寂院瓦鴟鐵鳳凌空虛 原本鐵訛鷄据王勃九

成宮頌序改

有懷舍弟逢年稀膏非鳳喙 原本稀訛稀据史記滑

稽傳改

秋懷淺源觴可濫原本濫訛盪 又策策井梧涼原本

涼訛源 又後生抱奇哀原本衷訛忠今並改

應齋雜著

宋趙善括撰

卷一

建明奏議廣南就邕州市馬久矣忽改而置之于南詔
原本詔訛舟据宋史改

茶寇利害劄子賴吉袁撫四州之地正當擇守臣付以
兵柄 原本撫訛衝据宋史改

卷二

賀趙樞密啟翻紅藥于北門花磚不移於畫步對紫微
於西掖蓮燭復聞於夜歸 原本復訛後今改

賀謝大監啟久疎樂霧之披屢拜郇雲之賜 原本披

訛庇今改

郭都統啟窺文石之班識燕領虎頭之相假武昌之守

參魚符龍節之榮 原本石訛右据漢書改

卷五

過前岡見毀松有感暗引風聲號綠野密留雲影掛蒼

枝 原本綠野二字互倒今改

登梅仙壇觀中作樓與雲齊曾觀日壇因斗建欲捫天

原本齊訛集今改

過清渚桑圃霜空乾葉舞麥畦雨潤翠苗斑
訛毛今改
原本苗

卷六

鷓鴣天和冠之韻如今重到經行處妙墨新詩得屢聞
原本經行訛行徑今改

